



স্বরাষ্ট্র মন্ত্রক

১০ ডিসেম্বর এন.এইচ.আর.সি. উদযাপন করবে মানবাধিকার দিবস

Posted On: 18 DEC 2017 1:52PM by PIB Kolkata

জাতীয় মানবাধিকার কমিশন (এন.এইচ.আর.সি.) আগামী ১০ ডিসেম্বর মানবাধিকার দিবস উদযাপনের জন্য এক অনুষ্ঠানের আয়োজন করেছে। প্রধান অতিথি হিসেবে এই অনুষ্ঠানে ভাষণ রাখবেন উপ-রাষ্ট্রপতি শ্রী এম. ভেঙ্কাইয়া নাইডু। এছাড়া থাকবেন এন.এইচ.আর.সি.'র চেয়ারপারসন তথা দেশের প্রাক্তন প্রধান বিচারপতি এইচ.এল. দাত্তা সহ অন্যান্য।

বিশ্বজনীন মানবাধিকারের ঘোষণাপত্রকে (ইউ.ডি.এইচ.আর.) স্মরণ করে প্রতি বছর ১০ ডিসেম্বর মানবাধিকার দিবস পালন করা হয়। বিশ্বজুড়ে মানবাধিকার রক্ষায় একটি সাধারণ মানদণ্ড হিসেবে রাষ্ট্রসংঘের সাধারণ সভায় ১৯৪৮ সালে এই ঘোষণাপত্র গ্রহণ করা হয়।

মানবাধিকার দিবস উদযাপনে ভারতের জাতীয় মানবাধিকার কমিশন দেশ জুড়ে শর্ট-ফিল্ম প্রতিযোগিতা সহ নানা ধরনের অনুষ্ঠানের আয়োজন করেছে। মানবাধিকার নিয়ে তৈরি করা প্রথম তিনটি শর্ট-ফিল্মকে যথাক্রমে এক লাখ টাকা, পঁচাত্তর হাজার টাকা ও পঞ্চাশ হাজার টাকা এবং টুফি ও মানপত্র প্রদান করা হবে। তাছাড়া এন.এইচ.আর.সি.'র কিছু পুস্তিকাও প্রকাশিত হবে।

তাছাড়া শিশুদের আঁকা পুরস্কারপ্রাপ্ত ছবিও প্রদর্শন হবে অনুষ্ঠানে। থাকবে বিভিন্ন আলোকচিত্র। যেখানে গত বছরের মানবাধিকার দিবস উদযাপনের পর থেকে এখন পর্যন্ত মানবাধিকারের সুরক্ষার জন্য কমিশন যা যা করেছে, তার মধ্যে উল্লেখযোগ্য দিকগুলো উপস্থাপিত করা হবে।

১৯৯৩ সালে মানবাধিকার কমিশন গঠিত হওয়ার পর থেকে এই ২৪ বছরে দেশজুড়ে মানবাধিকারের সংস্কৃতির প্রসারে উদ্যোগ নিয়েছে কমিশন। বিশ্বের অন্যান্য মানবাধিকার প্রতিষ্ঠানের মতই এন.এইচ.আর.সি. সংসদে পাশ হওয়া মানবাধিকার সুরক্ষা আইনের জন্য একটি সুপারিশকারী সংস্থা।

মানবাধিকার লঙ্ঘনের অভিযোগের বিষয় দেখার পাশাপাশি কমিশনের অন্য কাজের মধ্যে রয়েছে, সংবিধান অথবা কোনো আইনের অধীনে দেওয়া সুরক্ষা-কবচের পর্যালোচনা, আন্তর্জাতিক ঘোষণাপত্র/চুক্তিপত্রের কার্যকর রূপায়ণের জন্য প্রস্তাব দেওয়া, মানবাধিকারের বিষয় নিয়ে গবেষণার ব্যবস্থা করা এবং সেমিনার ও আলোচনা কর্মসূচির আয়োজন করা, মানবাধিকার নিয়ে সচেতনতার প্রসার এবং মানবাধিকারের প্রচারে অ-সরকারি সংস্থাগুলোর প্রচেষ্টাকে উৎসাহ দেওয়া।

এ উপলক্ষে কমিশন জমে থাকা মামলার নিষ্পত্তির জন্য শিবিরের আয়োজন করছে এবং দেশের বিভিন্ন প্রান্তের তপশিলি জাতি ও তপশিলি উপজাতিদের বিরুদ্ধে হওয়া নৃশংসতার অভিযোগের শুনানিরও আয়োজন করছে। তাছাড়া মানবাধিকার ও জন-কল্যাণের প্রকল্প রূপায়ণ সংক্রান্ত বিভিন্ন পদক্ষেপের প্রয়োগের মূল্যায়ন করার জন্য কমিশন রাজ্যগুলির বিভিন্ন জেলা পরিদর্শন করছে, যাতে সু-প্রশাসন সুনিশ্চিত করার জন্য প্রতিশ্রুতিবদ্ধ সরকারকে প্রস্তাব দেওয়া যায়।

মানবাধিকারের প্রধান বিষয় নিয়ে কমিশন বিভিন্ন ধরনের হস্তক্ষেপ করেছে। যার মধ্যে রয়েছে, চুক্তিভুক্ত ও শিশু শ্রমিকদের বিষয়, কারাগার সংস্থার, স্বাস্থ্যের অধিকার, খাদ্যের অধিকার, মানসিক স্বাস্থ্য সুরক্ষা, প্রতিবন্ধী ও সিলিকোসিস রোগাক্রান্ত মানুষের অধিকার, অবৈধ ওষুধ, খাবারে রাসায়নিক সার, ও ষ্ণুধেরদাম, কর্পোরেটদের সামাজিক দায়িত্ব, হাত দিয়ে পয়প্রণালী ও ময়লা পরিষ্কার করা, নারীদের মানবাধিকার ইত্যাদি।

মানবাধিকার ও এর কাজকর্ম নিয়ে সচেতনতার প্রচারে হিন্দি ও ইংরেজিতে মাসিক নিউজলেটার বা সংবাদ-পুস্তিকার প্রকাশের পাশাপাশি কমিশন আশিটিরও বেশি বই ও জার্নালের প্রকাশ করেছে। মানবাধিকারের সুরক্ষা ও প্রচারে এন.এইচ.আর.সি.'র কাজকে কেন্দ্র ও রাজ্য সরকারের পাশাপাশি বিভিন্ন সংস্থা ও মানবাধিকার রক্ষার এন.জি.ও. এবং প্রচার মাধ্যম সক্রিয়ভাবে সহায়তা করে চলেছে।

(Release ID: 1512973) Visitor Counter : 6

